


Contact Numbers pawimaw : DC/CCPur : 03874-234234 SP/CCPur : 03874-236747 Police Station : 03874-202248 SP Control Room: 03874-233239 Dist. Hospital Casualty : 03874-233370 Fire Brigade : 8974 147 799/ 8258 057 887 / 8974 103 600

# Hmasawwna Thar

( A N I N D E P E N D E N T D A I L Y N E W S P A P E R ) Regd. No. RNI - 40917/89 | Postal Regd. No. MNP - 67



FIFA in Lionel Messi international match ban a hlip tah-P.

Hmasawwna Thar Vol - 32/198 | Churachandpur | email : hmasawwnatharnews@yahoo.com | Phone: +91-3874-236846 | Rs 6/- per copy

## JAC in Consultative meeting an nei



**CCPUR:** Joint Action Committee-Against Anti Tribal Bills (JACAATB) irawinain May 5, 2017, 11AM a inthawk khan YPA GHQ Hall, Hiangtam Lamka hmunah Public Consultative meeting nei a nih. Hi huna hin H. Mangchinkhup, Chief Convenor, JACA-ATB chun May 3, 2017 nia Manipur sawrkar le JACA-ATB inbiekna an nei huna Manipur sawrkarin martyrs hai ruong vui lova la um hai vuiliem an ni theina dinga thutiem a nei hai puonglangna a nei. Hi dungzui hin Manipur tlangram le phairam tawpawi ding Bill hrim hrim pass a ni hmain Stakeholders hai phalna le remtipuina lak ding; pasaltha thina tuok hai sawrkar dan angin zangnadawmna Rs. 5,00,000 lakh cheque a pek ding le an sungai pakhat tak sawrkar sin pek ding; hliem inrik tuok hai Rs. 2,00,000/- seng le sawrkar

## CM-in Damdawi tha man tlawma hmu theina ding PMBJP a hawng

**IMPHAL:** Chief Minister Mr N. Biren Singh chun mi retheihain damdawi tha (generic medicine) man tlawm lema an hmu theina ding scheme pakhat, Pradhan Mantri Bhartiya Jan Aushadhi Pariyojana (PMBJP) hnuoia Kendra hmasatak (PMBJK) chu Zirtawpni khan Jawaharlal Nehru Institute of Medical Science (JNIMS), Imphal ah a hawng. JNIMS auditorium-a hawngna hunsara hin Chief Minister Mr N. Biren Singh, Union Minister of State for Chemical and Fertilizers Mr Manuskh L. Mandaviya le Health and Family Welfare Minister Mr L. Jayantakumar han khuol lien, khuol inzaum le khuol chawngpu angin an uop. Chief Minister chun, mihrjem hringna hi a hlu a. Hi lei hin sawrkar thlungpui Prime Minister Mr Narendra Modi inrawi chun a



ram mipui haiin man tlawm lema damdawi tha hringna sanhim theinaha an hmu theina dingin hi scheme hi a hlen a nih tiin a hril a. Thil pawimaw inhawng a ni leiin ei State ah khawm an hma thei ang taka hlen a ni theina dingin kar hni vel lietmaa Mr Mansukh L. Mandaviya a hung inzina hrihlang angin hawng a ni thu a hriin. Tuta inthawk chu 'generic medicines' tha tak tak, branded medicine hai ang thova composition thahaai man tlawmte tein Pradhan Mantri Bhartiya Jan Aushadhi Kendra haia inthawkin hmu thei an th ding thu a hril baw. Chief Minister chun sawrkar tha neina dinga pawimaw chu titakna le ringumna a ni a. A Council of Ministers hai khawm ringum taka mipui rawng bawl dingin an fui niin a hril a. A sawrkarin hmasawwna inkuongruol tak a um theina dingin tlangram biela development project le sin hran hran hlena um hai enkaina dingin review meeting regular takin district headquarters haiaah a nei zie ding thu a hril baw. Mr Manush L. Mandaviya chun, sawrkar thlungpui chun damdawi tha le hrisela inenkawltha mi rethei le hnuoihngunghai khawmin tha tak an hmu theina dingin hma nasataka a lak thu a hril a. Mipuihai chu PMBJP

hnuoia hmu thei 'generic medicine' hai thalna thuar ringhla lo dingin an fui a. Level tamtakah an thalna fie hnung vawng, WHO certified an ni thu a hril. Minister Mandaviya chun, damdawi inenkawl man hi a to tah em em a, sum tam tak tak seng a tul leiin sungkuo tamtakin harsatna an tuok hlak a. Tuta inthawk chu man tlawmtein damdawi tha hmu thei a nih tah ding leiin mipui ta dingin a varzang tah hle ding a nih tiin a hril a. Doktorhai khawm branded damdawi-hai nekin generic medicine hai inchaw (prescribe) uor dingin an fui baw. Hi Scheme hnuoia PMBJK hawng nuomh kuomah, nodal agency Bureau of Pharma PSUs of India (BPPi) chun one-time-financial assistance Rs.2.5 lakh chen a pek thei thu a hril a. Hmun hnuofulhai ngaisak bik an ni ding thu a hril baw. Health Minister Mr Jayantakumar chun, 'generic medicine' thua propaganda indiklo hai thedar lo dingin mipui an fui a. Hieng damdawi PMBJP hnuoia sem/pek dinghai quality hi tha tak tak vawng an ni thu a hril baw. Medical dept. hnuoia thawkhai chu sawrkar hmalakna a hlawtling theina dinga thei tawpa thlawp seng dingin a ngen baw. Minister hai hin hmun hran hana PMBJK hawngna dingin Licenses 26 an pek suok a. Chief Minister chun State-a hmasatak ding, JNIMS OPD zawnah PMBJK Block chu a hawng ngah baw. Tu tak hin sawrkarin PMBJK hai fethlengin damdawi chi hran hran 600 le medical hmangruo chi 154 man tlawmte tein a peksuok thei zing tah. (DIPR)

## CHANCHIN LAKTAWI HAC Chairman rawiin meeting

**CCPUR:** May 12, 2017, 11AM khin B. Vengnuom Community Hall, Tuibongah Thangzalam Haokip @ TT Haokip, MLA Henglep A/C le Chairman, Hill Areas Committee, Manipur inrawinain Henglep Block sunga DI of School, Henglep le ADCC, Henglep hnuoia school Headmasters/Headmistress han meeting nei an tih. Hi huna hin DI Henglep Block le ADCC Henglep block hnuoia Headmaster/Headmistress hai chu kim taka thang seng dingin N.Krishna Nanda Singh, Dy. Inspector of Schools, Henglep chun inhrietirna a siem.

## ZEO hmalaknain Capacity building program




**CCPUR:** Zonal Education Officer (ZEO), CCPur huoihawtnain May 5, 2017, 10:30AM khan Synod Hall, IB Road, CCPur-ah "One Day Capacity Building Program on Implementation of Mid-Day Meal Scheme" nei a nih. Hi huna hin R. Sudhan, IAS, DC, CCPur chu khuoli-ena thangin programme hi hawngin thubhrilna hun a hmang baw. Sawrkar thil hrim hrim record tha taka nei a, thawktu han record tha tak siema an enkawl a pawimaw tiin R. Sudhan, DC, CCPur chun a hril. Sawrkar in Mid-Day Meal scheme a hung thaw a hmu ding indik tak han an hmu le hmunaw enfel a ni ding thu, naupang lekha inchuk hai phingtam loa lunglut taka lekha an inchuk theina dinga hi thil hi sawrkarin a hung thaw a ni a, a fa ding hai kuoma pek ding a ni a, sie mei mei ding an ni nawh tiin a hril baw. CCPur district a hin Education tiengpangh block 6 a the a ni a, Tipaimukh Block hnuoia School 45, Government Aided School 12, ADC hnuoia School 5 >>>sunzawmna page 4-ah

## Kendriya Vidyalaya in Annual Day an hmang



**CCPUR:** Kendriya Vidyalaya, Churachandpur chun May 5, 2017, 9AM khan Motivation Hall, STC, BSF hmunah 31st Annual Day an hmang. Hi huna hin Sanjeev Ranjan Ojha, IPS, VMC, Chairman & IG, STC, BSF, CCPur chief guest in a thang a, Gentin Lal, Commandant, STC, BSF, Churachandpur Guest of honour in a thang a, candle sitvarin Annual day hawngna an nei a, Kendriya Vidyalaya, CCPur Principal in-charge Snigdha Anand chun kum 2016-17 sunga inchiktak an thaw hai puonglangna a nei bakah student han item chi tum tum inentirna an nei. Hun hmangna nu le pa tam takin an uop baw. Student han "Fundamental Rights" ti thupui hmangin English Drama inentirna an nei baw. KV hi kum 1986 a in-din niin 2016-17 academic session-ah Class X le XII le Class I -Class IX pass percentage an tling phak a, Class X ah Shubhojee Roy in CGPA 10 hmuin Ministry of Human Resource a inthawk lawmman Rs. 5,000/- a dawng a nih.

## Ujjwala Yojana (LPG Subsidy) hlen vat ta ding



**IMPHAL:** Miretheihai kuomah thlai suongna thuk Liquefied Petroleum Gas (LPG) man tlawmtea hmu theina dinga Prime Minister scheme Pradhan Mantri Ujjwala Yojana (PMUY) chu sawntawte ah hmang ni vat tang a tih tiin Minister of Consumer Affairs, Food & Public Distribution Mr Karam Singh chun Zirtawpni khan a chengna in, Lilong Chajing, Mairekhong, Imphal West-a press conference-ah a hril. Union Minister of State for Petroleum and Natural Gas, Ms Dharmendra Pradhan chun May 4 khan New Delhi ah kan hmuipui a. Malom-a bottling plant chu May 14 khin a hung hawng el thei niin a hril. Tu tak hin distributor haiin hmun 80 ah BPL consumers 2.62 lakh le active consumer 3.5 lakh an cover a. PMUY hnuoia consumer 4, 552 an um niin a hril. PMUY suk-puitling tak tak a ni hunah BPL sungkuo 1.5 lakh hai kuomah LPG connection pek thei a ni ding niin a hril. Union Minister of Consumer Affairs, Food and Public Distribution Mr Ram Vilas Paswan khawm April 27 khan an hmuipui a. Chini a subsidy chu sukbo lo dingin a ngen niin a hril. Sawrkar thlungpuiin March 1, 2017 a inthawk khan chini subsidy a hung sukbo a, sienkhawm AAY hnuoia PDS sugar subsidy ruok

chu May 3, 2017 a inthawk khan a hung sukthar nawk niin Karam chun a hril. State sawrkarin fak ding huntawk bu a um theina dinga hmalakna le inzawmin, sawrkar thlungpui chun Wheat Silo (Gehu) metric ton 50, 000 sie theina ding ram acre 11 le, Rice Silo (bufai) Metric Ton 5, 000 sie theina ding in bawlna ding ram acre 7 hai a approved tah niin a hril a. Silo hai bawlna ding hmun chu sukfel vat an nih ding thu a hril baw. Minister chun, district 7 haiah rice Silo Metric Ton 2, 000 seng sie theina ding in bawl ni baw a tih tiin a hril a. Tamenglong le Chandel district, in bawla um mekhai ram thu buoina lei le thil dang leia sukchawl hai kan chieng dingin an zin vat ding thu a hril baw. Minister chun district tina elected member hai chu indiktaka sin thaw seng dingin an fui a. Mirethei le harsahai kuom a tlung phak ngei theina dinga indik taka sin thaw dingin a ngen tawl a nih. An ruong hmu a um hai hi Sathlun le Ngamlet hai le Ngamlet hai an ni a, an ruong hi Boljang village bul laia hmu an ni a, Jangkholun hi a umna hriet lovin a lan hmang a nih. Sapermeina Police hai chu thil tlungna hmuna fein thil umdan an suizui mek.

## PWD in lampui siem an sunzawm

**CCPUR:** Public Works Department (PWD), CCPur Division chun IB Road lampui blacktopping thawna sin zanita inthawk khan an sunzawm nawk. Lampui siemthatna hi March 27, 2017 a inthawka kha tan a ni a, sienkhawm ruosur nasat leia sukchawla um a nih. V. Hangkhanlian, Minister (Agriculture, Veterinary & Animal Husbandry) remtipuina leiin lampui inkhurna hai khawm hrub bit vawng dinga ti a ni a, sienkhawm blacktopping thaw leiin duthusamin a sa zo naw niin PWD, CCPur Division chun a hril.

## Nazareth Bible College Admission

**CCPUR:** Nazareth Bible College, Rengkai Road, CCPur-ah Certificate in Theology (C.Th.), Graduate in Theology (G.Th.) le Bachelor in Theology (B.Th) inchuk nuom hai ta dingin May 27, 2017 chenin hnina pekltu thei a nih. Admission fee Rs. 1,500 a ni a, Tuition fee a um nawh. Class June 1, 2017 a tan ding a nih. Thu chieng lem hre nuom han Academic Dean Contact No. 9612876846 ah hriet thei ning a tih.

## Saikawt SDO/DDO Code insuo

**CCPUR:** Saikot Sub Division Demand Committee in April 8, 2017 nia Manipur CM N. Biren Singh kuoma ngenna an siem angin Y. Rajen Singh, Dy. Secretary (Revenue), Govt. of Manipur chun a file fepui mek 7 hai maksana nasa taka a thanguina zarin May 5, 2017 khan L. B. B. kram, Director, Treasuries & Accounts, Manipur chun Saikot SDO/DDO Code Order an suo na Chairman, SSDC kutah an hlan. Order dungzuiin Saikawt SDO DDO Code No. chu 0727013 a nih tiin Timothy Z. Zote, Chairman le R. Lalkaisanga, Secretary SSDC han mipui hriet

## Cachar-a Hmar khuo thenkhata PMGSY lampui siemna ding Tender ko a ni tah

**CACHAR:** Cachar, Assam rama Hmar khuo thenkhat lamlien tung nawna khuohai PMGSY hnuoia siemna ding chu tender ko a ni ta a. Hun sawntawte hnungah lamlien siemna tan thei ni ta dinga beisei a nih tiin ei thu dawngna chun a hril. Hieng lampui siemna ding hin Pu Vanlallien Pulate chun theitawp tak meu suoin hma a lak a. Tuhin a ra hung inlang tah in, Tender ko a nita a, May 15, 2017 chen hun hawng a nih. Hi thil hi kum lietmaa inthawka an lo buoipai ta a ni a. Assam ramah BJP an hung inlal tir June 30, 2016 khan Assam CM chu Silchar District Library ah inhmupuiin Memorandum pek ani a. Hi thu hi Virthli ah khawm insuo a nih nghe nghe tah. July 7/2016 khan survey thawa DPR siem dingin dawngna hmu a ni a. Assam CM-a



ang dungzuiin survey le DPR hi tan a nih. Hi hmalakna hrieputa enkawlpuin dingin Pu Kabindra Pukayastha, Hon'ble former Union Minister of Telecom chu Assam CM in a hung ruot a. Survey le DPR hi Assam CM in September 15, 2016 hma ngeia zo dingin thu a hung pek a nih. E.E. PWD, Silchar Rural Road Division Pu Alok Chandra chun survey le DPR hi September, 2016 khan Chief Engineer, PWD(Roads) kuoma a pek a. Chief Engineer,

PWD(Roads), Government of Assam chun Rural Ministry, Government of India kuomah sanction a approval dingin 2016 Durga Puja hma khan a thawn a. Demonetization kha um naw sien chu 2016 December khan sin tan hman dinga ti a nih. Pu Bakir hi Chief Engineer a inthawkin Dec 30, 2016 kha a lo pension ta a, tuhin Pu Ajit Kumar Kakoti chu Chief Engineer(PWD) Government of Assam a nih a, ama le Ministers hai le inbiepawin thil thaw pei a nih. May ni 15 zova Tender khar ning a ta, sin tan ding ani ta leiin tuhin Chief Engineer thar leh inbiekna an fepui mek a, Chief Minister, PWD Minister le Education Minister, Government of Assam hai leh khawm sinthaw dan ding hriipui an ni el khelah thuthlung felfai taka siempui an nih. Hi thil hnungsuokna dinga pawimaw tak chu Pathien a nih a, Assam CM le PWD minister mihrima ding chun an pawimaw tak bawktu tiin Pu Vanlallien chun a hril. Vangneithlak takin Survey po po thawna le DPR siemnaah hin Pu Hranganglien Keivom, J.E chun an rawi a. Hmar mi ngeiin ei lampui ding survey a thaw hi sin a puitling pha hle nih. Ama hi, "Aw kan Hmarram inthim tlang dum duoi" ti hla phuoktu Pu Lalkhum tupa a nih. Tender hi a nuom taphawt dawn thei dinga siem a ni a. Hmar nau hieng-gang sin lo thaw ta hlak le dawn thei dinghai fiel an nih. Hmar khuo po lamlien siemna ding hi cheng nuoi sangli zasari le sawmsari pathum chuong met niin (4773.02 lakhs), package 7 a the a nih.

**GAS NEWS**  
Agency : KIM JOE  
Booking : 2nd Feb., 2017 to 2nd March., 2017  
Delivery: 6-05-2017 (SAT)  
Time : 9AM-till stock  
STOCK: 278  
DBC/NC ngavien thei







LAKTAWI

Sawrkarin SC/ST quota promotion fethlengpui a tum

NEW DELHI: Sawrkar thlungpui chun SC le ST thawktu hai an sina promotion tuah reservation a hran a pek a tumna chu fethlengpui a tum. Department of Personnel and training (DoPT) in Prime Minister Narendra Modi kuoma report an pekluta chun, inruol taka fethleng pei theina dingin SCs le STs hai ta dinga promotion tuah reservation hi a la fe pei a tul a nih tiin an ziek bakah department tum tumah SCs le STs representation hi 15% le 7.5% sukpuiling a ninaw thu an ziek bawk.

UP-a mini bus eksiden-ah mi 14 thi

ETAH: Uttar Pradesh-a Etah district-a chun zani zingkar inhma tak khan mini bus pakhat changsuol-in canal-ah a tlanliem a, mi 14 in thina an tuok bakah midang 24 in hliemna an tuok. Mini bus a chuong hai hi Sakrauli Village a inthawk Agra pana an fe lai meka tuoksiet tuok an nih. Mini bus khalu ni a inlusu leia eksiden hi tlung ni dinga ring a nih. (ANI)

2-wheeler ambulance July a inthawk

PANAJI: Goa Health Department chun July, 2017 a inthawk khin khuolzinmi hai tamna hmuna eksiden amani annawleh siet tlung hun haia inrang lema thil thaw a ni theina dingin two-wheeler ambulance service a tum.

Hi thil hi two-wheeler hai hi eksiden hmun chen tlung awlsam le an lut thei lem hlak leia thaw tum niin Health Minister Vishwajit Rane chun a hril. (PTI)

Nuhmei suollutu an khaihlum

BHOPAL: March, 2016 a Morena district-a nuhmei naupang kum 9 mi suollutu intum jail-a intang mek Dinesh Jatav (26) chu zanita a hrem dan ding chungthua Court in thutluka a siem hma charin an tangna Morena district Jail-a ekin sungah ama le ama towel hmangin an khai hlum. (PTI)

J&K Governor in PM an hmupui

NEW DELHI: Jammu and Kashmir Governor N.N. Vohra chun zanikhan New Delhi hmuna Prime Minister Narendra an hmupui a, minutes 45 lai zet an titi a, hi huna hin Kashmir phairuoma security ngirhmun an hriltlang. N.N. Vohra chun Jammu and Kashmir-a development works tum tum thawa um hai ngirhmun khawm PM hi an tlun bawk. NN Vohra hin Thawleni kham Home Minister Rajnath Singh khawm Jammu and Kashmir security chungthua a lo inhmupui ta bawk a nih. (AIR)

Rel in nufa a rawt hlum

JAIPUR: Rajasthan-a Dholpur district-a chun zanikhan Rajkheda bridge lai nupui kum 30 mi vel ding le a nautu kum 4-7 inkar mi ding Relin a rawt hlum. Anni baka hin hi thil tlungna hmuna hin pasal naupang pakhat hliemna tuoka hmu a ni a, hospital panpui a nih tiin SHO Kotwali station Satish Kumar chun a hril. (PTI)

Nirbhaya suollutu hai sukhlum an ni ding

NEW DELHI: Kum 2012-a Bus sunga Nirbhaya suollu le thattu intum mi 4-Akshay, Pawan, Vinay Sharma le Mukesh hai hrem dan ding chungthua zanikhan Supreme Court chun thutawp siem sukhlum dinga an chungthu rel a nina chu a thlawp thu zanikhan a puong tah. Hieng mi 4 hai hi trial court in kum 2013-a kha thi dinga an chungthu a rel ta an ni a, sienkhawm mi 4 hai hin appeal an thaw le inzawna India rama Court insang tak Supreme Court in zanita hi chungthua hearing hi a nei a nih.



Nirbhaya kha December 16, 2012 nia Delhi hmuna a ruolpa pakhat le Bus an chuong huna suolluina tuok a ni a, Bus sunga an suollu zek hnung le nasa taka an sawisak hnunga a ruolpa le hin Bus sunga inthawka an peithlak a ni a. a ruolpa chu damsuk sienkhawm Nirbhaya hi December 29, 2012 khan Singapore hmuna damzo lovin a thi a nih.

thaw huna thang pakhat chu kum tlinglo a ni a, nikum August thla kha thiemnaw inchangtir niin kum 3 sung reform home a um dinga ti a ni angina home-ah an tang mek a nih.

Hi suolluina intum hi mi 6 an ni a, hi laia pakhat Ram Singh chu jail sungah a ma le ama a lo inkhaihlum ta a, hi thil suol

India rama Political party tum tum hai chun Supreme Court thutluka chu lawmum an ti.

ISRO in GSLV F-09 hlawtling takin a kapsuok

SRIHARIKOTA: Indian Space Research Organisation (ISRO) chun zani zantieng 4:57PM khan Satish Dhawan Space Centre, Sriharikota hmuna inthaw Communication satellite GSLV F-09 chu hlawtling takin a kapsuok. GSLV F-09 hin South Asia Satellite 12 Ku band transponders a phur a nih. 12 Ku band transponders hi communication thil bakah broadcasting services, tele-medicine, tele-education le disaster management haia hmang ding a nih.



Hi Satellite mission-a dinga sum seng chu Rs. 450 crore zet a tling phak a, a satellite a ringawta

sumseng khawm Rs. 235 crore zet a tling phak a, hi project a hin Afghanistan, Bangladesh, Bhutan, Nepal, Srilanka le Maldives hai khawm an thang a, Pakistan ruok chu an hnukdawk a nih.

President, Vice President le Prime Minister hai chun ISRO in South Asia satellite hlawtling taka kapsuok a ninaah ISRO scientist hai an lawmpui thu an puong. PM Narendra Modi chun South Asia rambung hai ta dinga thil inchtak a nih tiin a hril.

Gandhi lekha lo inchukna hlak kum 164-a upa School khar

RAJKOT: India hnampa tia ko Mohandas Karamchand Gandhi @ Mahatma Gandhi School lo kaina hlak kum 164 zeta upa tah The Alfred High School chu thuneitu han Museum a inlettir dingin an khar tah.



A School hi state sawrkar enkawl Gujarati medium school niin Mohandas Gandhi High School tia hriet ni bawk a nih. Museum a inlettir dinga rawna hi nikum khan Gujarat sawrkarin a lo pawmpui ta a nih. Mahatma Gandhi kha kum 1880- 1887 inkar khan hi school-a hin lekha a lo inchuk a nih. School khar dinga rawna um lei hin school thuneitu-

hai khawmin students han academic session tharash school danga admission thawna kawnga harsatna an tuok nawna dingin students hai kuomah School leaving certificates hai an pekdawk mek a nih tiin District Education Officer Reva Patel chun a hril. A hma chun hi School hi Rajkot High School tia hriet a ni a, October 17, 1853 a kha British hun laia lo hawng tah, tuta build-

“Obamacare” Chu A Thi Tah: Trump



WASHINGTON: US President Donald Trump-in, President a ni tan tira inthawka siemthar hmasatak dinghai laia a hril rawn pawl tak, a hmaa President Obama lo siem health care policy “Obamacare” ti chu hun sawttak thlak danglam or pei hmang tuma an buoipui hnungin rorêlna inpu inhuoi lem House of Representative chun vote 217-213 in thlak danglam or thata a thar siem thei dingin an passed tah.

lovin a siem ding a nih tiin an hril a. “Mi fethi tamtakin insurance nei ta lovin Health Care an nei thei ta naw ding lein tamtak thing an tih” tiin Senator Bernie Sanders chun a hril.

Thla li vel liemta President a nia inthawka hnêna a changna hmasatak ang a la nih a. Dan thar hmanga Obamacare sukbona dinga Congress-a hnêna an changna hin President Trump chun, Obamacare chu “a thi tah” a ti h a. Nêka thei lem American Health Care Act a siem ding niin a hril. A Bill hi House of Senate ah lut nawk a ta, vote lak nawk ning a ti. Republican Senator hai chun Obamacare hi hnâwin dan thar an siem ding niin an hril.

Capitol Hill laia protester hai chun lawmaker hung suokhai chu lo khêk khumin “Inzak thei lohâi” tiin an lungawinaw thu an lo khepui a nih. White House tieng ruok chu Trump le a rawihai chu an lâwm hle a. Trump chun House of Representatives member hai bu a fak tlângpui.

Hienglai zing hin Democrats hai chun “Obamacare” sukboa American Health Care Act siem hin mi maktaduoi tel insurance nei

A hma kha chun Trump hmalâkna hin thlawp a hlâw naw a. Siemthat tulhai an siemtha pei hnungin Republican sung ngeia pawm thei naw hai khawmin an hung pawm thei ta a nih. Trump chun, “Hi hi repeal a ni ding a nih, lo inchik zing ro” tiin a hril a. “Premium hung tla hnui a ta, deductibles hai hung thla hnui a ta, a pawimawtak chu Plan tha tak a ni hi a nih” tiin a hril.

Obamacare hnuiok kha mi million 20 velin 2010 A Affordable Care Act hnuiok healthcare insurance an hmu a. Republican hai thlir dan ruok chu, sawrkar thlungpui ta dinga phurrik a ni bâkah, patient haiin premium an pek an sang taluoa, choice an nei thei a tlâwm tiin an kal ve thung a nih. New York attorney general chun hi Bill hi Dan (Law) a hung inchang chun court ah a khing let ding thu a hril.

Russia in ‘Safe Zone’ siem a rawtna Rebels han an hnâwl

ASTANA: Kum 5 neka tam civil war a um taa mi 300, 000 neka tam an thi tah bâkah nuoi tamtak raltlan an um tah hnung le rambung pali nêka tam an inrawl ta hnunga inkap châwl a um theina ding le raltlanhai umna ding ‘hmun him’ siem a ni theina dinga inbiékna Zirtawpina Kazakhstan khawpui Astana-a neia chun Russian plan phar a nih a.

in kap châwl tawiti umin muongna hun sawnawte a um a. Raltlan an la pung pei sia, harsatna tuorhai thangpuina dingin UN khawm a lut thei tanaw lein tukhawm indo lona ding le raltlanhai um theina ding hmun siem an rawt a.

Russia, Syria le Iran han tha an ti, Russia siem “de-escalation zone” chu Syria rama an indopuitak le an inbiékpu mek, US thlawp Rebels hai chun tha an ti ve naw lein inbiékna inthawkin an suok tau. Russia siem plan-a hin Iran chu ‘guarantor’ anga thang dinga ti a nih a. Iran a hung thang ve chu an dit naw a nih. Rebels hai tienga thang Turkey khawmin ‘guarantor’ anga a thang

thei ding thu a hrila chu Rebels hai chun an suoktau ta tho tho. Hi thila hin Rebels hai thlawptu US chun, “Iran chu inremna siemtu an nawh a, buoina chawksuoktu a nih lem” tiin Iran a lo thang ve a remti nawh. Russia leh lo inbie lawkin “Safe Zone” hi siem tha an tia chu last hour-a thil hung umdanin an beisei ang a ra suok ta naw a nih. Inbiékna hi December thlaa lo inrem tah anga nei a ni a. Kum tâwp tieng kha

ADVERTISEMENT section for Government of Manipur, Office of the Deputy Commissioner, Churachandpur District. Includes a table with columns for Sl. No, Type of Training, Block, Village, Target/Number of person to be trained, Name of agency, and Remarks/Eligibility. Lists three training programs for unemployed youths in different blocks.

NDA in President nilai an candidate nawk chun candidate hran siem an tum nawh

NEW DELHI: India President Election hung um ding le inzawna Opposition party leaders han Common candidate nei tuma inrawntlangna an nei zing a, NDA in president ni lai Pranab Mukherjee bawk a term hnina dinga President candidate dinga an ruot naw le chau common candidate nei dingin an rel niin ei thu dawngna chun a hril.

Advertisement for PIGROW Tablet, a VAWK INTHANGNA DAMDAWI. Includes a photo of a pig and text describing the product's benefits for pig health and growth. Price is listed as Rs. 350/- per box.

Hieng laizing hin President Mukherjee term hi July thlaa tawp ta ding a ni lein President a ninaw hnunga a umna ding ‘retirement house’ ding khawm ready-a sie nitain media report chun a hril a, hi lei hin Mukherjee hin a term hnina dinga President chel nawk a nuom tanaw el thei tiin report

IAS-IPS nupa in Paramjit Singh nauu an enkawl ding



SHIMLA: May 1, 2017 er Yunus Khan le a nuhmei nia Jammu and Kashmir-a Poonch district-a Pakistan sipai han Indian Army Jawan thata a ring an tawng Paramjit Singh nauu Khusdeep Kaur (12) mi chu pasal a neihma chena a lekha inchukna le thil danga a tul le pawimaw hai popo an tum pek vawng dingin an intiem. Paramjit Singh nauu enkawl dinga intiem hai hi Kullu Deputy Commission-

LAWMTHU HRILNA

Hun iemanichena inthawk ta khan Pile natna ka nei a. Sawt tak tak inhnawmain hun ka hmanga a, a chang changin thisen a suok a, ka tawl a hung lienin a hung puom a, ka kawng a hung na a, Gastric a hung um a, ka phing a hung inri rak rak a, ka taksa a hung chauin ka hung cher deu deu a. Ka beidawngin MV Azad Phusam ka pan a, hun iemanichen a mi enkawl a, tuhni chun ka dam fel tah. Hi lei hin ka lawm hle a, hi chanchinbu hmang hin ka lawmthu MV Azad Phusam chunga ka hung hril a nih. MV Azad Phusam hi nitin 8AM-4PM inkar sungin Teddim Road, Old Bazar, Near Lamka ICI Church Road-ah pan thei le Mobile Phone Nos. 8014025567/ 7628890261 haiah biekrrawn thei a nih.

Shivpal in party thar indin a tum



NEW DELHI: Senior Samajwadi party leader Shivpal Yadav chun, party thar ‘Samajwadi Secular Morcha’ ti indin a tum niin news agency report chun a hril. Mr Shivpal Singh chun, party thar indin dinga hin Mr Mulayam Singh Yadav chu party chief a ni ding thu le, party thiltum tak chu Samajwadis indiktak hai pumkhata siem a nih tiin a hril. Shivpal Singh le UP CM hlai Akhilesh Yadav hai kura ngaidan inkal lei hin tulai hnaia Assembly election nei hma met



TUOLSUNG

Singnga A/C MLA tling lawmpuina

CCPUR: Zani 11AM khan Central Election Committee chun Singngat Bazar Bus parking-ah 60-Singngat ST A/C a inthawka MLA dinga thlangling Ginsuanhau @ GS Haupu Zo lawmpuina le Pathien kuoma lawmthuhrihna hun hmang a nih. Singngat khaw mipui le ditsaktu tam tak an thang bakah Khaipao Haokip, Chairman, ADC, CCPur khawmin a uop ve. Rev Ngizakhup, DS, MELC Singngat Division chun MLA ta dinga tawngt aipekna a nei a, mi dang dang han thuhrihna hun an hmang bawkr.

GS Haupu chun, Congress a inthaw BJP a lutna thua indawna tum tum um thuah hrilfiena siem ding malama program hi siem a nih tiin a hril. Singngat A/C a hin a zawna MLA tlingzo tukhawm an la um ngainaw leia ditsak taka thlanglingtu hai chungah lawmthu a hril a, BJP a lut nasan chu ram hatna ding, mipui ngirhmun dawmsangna ding le ram le hnam thuoitu hai hmakhuo ding ngaituona leia hien-ganga thlulukna la a ni thu a hril a. Byelection hung um ding nia hrilrik thuah chun, election hmasuon dinga in-peisa a ni thu, Minister post ruok um tanaw sienkhawm Manipur BJP in Chairman pakhat dinga a ruot a ni

ZEO-Capacity building prog: sunzawmna

le ZEO hnuoi school 28 a um a. Samulamlan Block -ah a rengin School 66 a um a, Government Aided School 7, Council hnuoi school 34 le ZEO hnuoi school 25 an um a. Singngat Block ah School 74 a um a, hi lai hin Government Aided School 11, Council School 27 le ZEO hnuoi school 36 an um a; Churachandpur Block sungah Government School 133 a um a, hi laia 82 chu ZEO hnuoi le ADC hnuoi school 41; Henglep Block hnuoi school Government Aided School 11, ZEO School 38 le ADC School 40 a, Thanlon Block hnuoi school 64 an um a, hi lai hin Government Aided School 7, ADC School 22 le ZEO School 35 an um a nih.

Zanita prog. hmang huna hin R.K. Kennedy, Addl. Director, Science le State Nodal Officer, Mid-Day Meal resource person in a thang a, Mid Day Meal dawng school tum tuma Headmasters/Headmistress 400 vel an thang.

Estimate Committee Chairman dingin MM Joshi

NEW DELHI: Senior BJP leader pahn Murl Manohar Joshi le Shanta Kumar hai chu kum 1 sung (term) dingin Chairman, Estimate Committee le Parliamentary panel on Public Undertaking Chairman dinga ruot nawk an nih.

Joshi hin August, 2014 a inthaw Estimates Committee Chairman term 3 a chelna a ni tah. May 1, 2017 a kha Lok Sabha Speaker Sumitra Mahajan in Estimates Committee Chairman dinga a ruot nawk a nih. Joshi baka hin panel a hin members 29 an um a, member dang hai chu Lok Sabha MP nilai hai ruot/thlanguok an ihlak.

Public Undertaking panel a hin members 22 an um a, hi laia 15 chu Lok Sabha MPs le 7 hai chu Rajya Sabha MP ni lai hai ruot an ni hlak. (PTI)

EUROPA LEAGUE SEMI FINAL LEG 1:

Marcus Rashford goal khat hmangin Manchester United chun Celta Vigo an hne

Europa League Semi Final Leg 1 pahnina chu Ningani zan khan Celta Vigo khelmuolah Celta Vigo le Manchester United an inkhel a. Minute 67 naa Marcus Rashford goal thun pawimaw tak hmangin United chun Celta Vigo an hne a, away goal pakhat nein Leg 2-a dingin an inringzo taw hle ring a um. Leg 2 hi kar nawk Ningani bawkr khin Old Trafford-ah inkhel an nih.



a che tha lein an thun naw mei mei a nih.

Hi inkhela goal umsun thuntu hi Rashford ni sienkhawm Man of the Match ruok chu Celta Vigo goalkeeper Sergio Alvarez thlang a ni ve thung. Asan chu ama hi a khel tha hle a, half hma khawma United hin goal thum thun thei ngirhmunah an ngir a, anachu Celta Vigo keeper

Celta Vigo an hne nawk an-naw leh an in-angpui bek a ngai a. Final an kai chun Ajax le Lyon pakhat lem lem leh inbei an nih.

Manchester United hi Pathienni khin Emirate Stadium-ah inzin an ta, hi ni bawkr hin Celta Vigo khawm La Liga tieng Malaga leh inbei bawkr a nih.

Manchester United chun Atletico Madrid star Antoine Griezmann an chang ngei beisei a nih

Hun iemani chena inthawka Jose Mourinho chun lak a lo tum tah Atletico Madrid star Antoine Griezmann chu a chang ngei ding anin an lang tah. Hi thu hi FIFA Agent Vincent Rodriguez-in Twitter hmanga a tarlang a nih. Ama hril dan chun a man ding chung chang thu khawm hril fel vawng a ni tah. Tuta season inthan hli-ma inthawkr khan chanchin-bu dang dang khawma Jose Mourinho target hmasa tak chu Griezmann a ni thu an lo insuo ta reng a nih. Chu chu tuhun nipui transfer kawt an hawng hin a puitling ngei ta ding niin an lang.



Griezmann a lak thei chun a thiltum hi iemani chena a thangpui ngei a ring bawkr.

Griezmann chun a hma khan Atletico Madrid-a a hlim thu le ieng anga tam pawisa um ding ni sien khawm a suok naw ding thu a lo hril ta a, anachu ama

Adviser Eric Olhats chun khel a ni thu chieng takin a hril bawkr. Griezmann hi Club dang dang Chelsea, Manchester City, Barcelona le Real Madrid hai khawma an dit thu an lo tarlang ta hlak a, anachu Manchester United hin an chang ngei ring a ni tah. Griezmann hi Real Madrid-a insawng ding anin thuthang iemani zang a lo um hlak a, anachu ama ngei chun Atletico Madrid-a inthawkr hin Real Madrid-a insawng hi an vawng hle thu le ama ngei khawm an Madrid Club chunpui le an hmelma lien tak Club-ah an sawn naw ding thu chieng takin a lo hril ta bawkr. Manchester United-in an lo lak a ni chun a man ding awma ngai ruot chu £85 ni bawkr a nih.

Prince Philip Fiemthu Thaw Ban Thei Lo

LONDON: Duke of Edinburgh, Prince Philip chu a official engagement po po a inthawka a chaw! ta ding thu Ningani khan puong a ni a. Fiemthu thaw hrat a ni ang a retire ni chenin a ruolhai tamtak an nuiitir a nih. A nuhmei Queen Elizabeth, St James Palace ah Order of Merit program hmanga a fe kar a ruolhai leh an lo in pawl a. Mathematician Sir Michael Atiyah chun, "I tum hnuoi tah ti ka lo hrieta pawl ka ti khawp el" a ti h a.

Prince Philip chun, "Nie, ka ngir sawt thei ta nawa a nih" tiin a dawn. Kum 95-a upa Philip hin organization 780 haia a mavphurna chu la chelin active role play ta nawng a ta, tul le pawimaw a ti angin enkawl sunzawm a ti h. Kum upa a ni taa chu a nau le thuai thaw po po neka tam, 219 official sin ni kum khawm kha a la thaw a nih.

Lalnu leh an fena thang lovin, 1947 a inthawka a minimal Royal engagement a nei zat chu 22, 000 a ni a, wavi 5, 000 thu a hril bawkr. Philip hi fiemthu thaw zau a hrat em em a. An insung le an inzinna ram tina a thuhiril



nuiat um an lak khawm laia mi tlawmte hei tarlang ei ti h.

Queen Elizabeth II lalukhum inkhumtir (Coronation) ni khan, "Kha lukhum (Crown) kha khawlaia i lak am?" tiin an nu an dawn.

Kum tamtak hnung Charles puitling hnungin, "Jengtikum Charles lai a ni ding?" ti an indawn a. "Lalnu thi sien i tina a ni?" tiin a dawn.

Budapest, Hungary a British sipaihai 1993-a an va kan tumin, sipai pakhat kuomah, "Hitaka hin i la um sawt naw ning a ti h, i phing a lan bel naw em" a tipek. Australia ah 1992, sahuona Savawm tuoi sin dingin an hril a, "Aw oi, natna hri kai

pal ka ti h" a ti daih. Kenya an inzin tum 1984 in Negro nuhmei pakhatin parte a hung pek a, "Nuhmei i nih maw?" a lo ti h.

March 2002, Australia an sir tumin, Aborigines (a ram mi tribal) pakhat kuomah, "Fein in lan khaw hlak am?" tiin an dawn a. "Aw oi, kan inkhaw tah ngai nawh" tiin feltak le inza takin a dawn. Tulai hnai el 2015, Malta-ah Roman Catholic Bishop pakhat a biekrak a, "Thuruk hril ka ti che, ei rengin Kristien vawng ei nih" a ti h a. An innui sai sai.

Canada, 1969-a hun pawimaw deuh pakhat an inhawngtirin a hmang a

hriet tah nawh a. "Hi thil hi ka hawng, iengkhawm lo nisien" a ti tawp. Edinburgh-a factory pakhat hluu deu a hmu a, "Indian hai sie nisien a hawi" a ti h. Scotland driving school pakhat, 1995 khan, instructor pa kuomah, "Native hai hi motor khal an inchuk sung bek har fima an um theina dingin iengtinam in thaw?" tiin an dawn.

Sir Elton John-in Royal Variety Performance 2001 ah hla a sak lai, thiem a ti naw hle ning a ti h, "A microphone khi off sienla tha ding" tiin an a Elizabeth a biekrak. Madonna khawm 2002 khan Albert Hall ah

"Die Another Day" James Bond film hla a sak ding a na, "Nakawr hrukna ei maw ding a ni maw?" tiin Elizabeth an dawn.

Hyde Park ah 2011, thingkung phun program ah Queen Elizabeth-in, kum 16 mi Cadet pakhat, Stephan Menary, IRA bomb leia a mit le kut khingtieng chan chu, ieng chen char am thil a hmu theia ti an dawn a. Philip chun, "A necktie awr dana inthawkin a hmu tha thei bek naw niin an lang" a lo ti h.

Buckingham Palace ah 2008 khan Oscar winning actress Cate Blanchett an hril hriet a. Technician a sawn a, "Ka DVD player siem tha thei i ti? A hnungtieng a chord a suok hlaka khawtaka suok am ka hriet thei naw a nih" tiin a lo indawn.

Ghana-a MP pakhat kuomah, "MP iengzam in nei?" ti an dawn a. Ama chun 200 a ta. Philip chun, "A huntaw vel char a ni chu. Keini chu 650 an a, a chanve chu hun khawralna mei mei an nih" a tipek a. Paraguay-a dictator General

Afredo Stroessner kuomah khawm, "Mipuii thu an nei nawna in rama hung chu an hawi ie?" eltam deuv in a tipek.

Taliban han an kap Malala Yousafzai kuomah, "Nu le pa han an nauhai ina um dingin an dit naw lein sikul an inkaitir hlak" a tipek an innui dar dar. Lalnu leh Biekin pakhatah birthday lawma mei klu chu chui lai an fe a, "Birthday lawma fe am ei ni, mithi ral?" a tipek.

Kum 1955 khan, Queen pasal lal ni chu iengtinam a um a ti an indawn a. Chieng takin, "Diktak chun, Navy ah khal lo la um zing lang ka ti h lem a nih" tiin a hril. Buckingham Palace ah British Indian hai bu an fakpui tumin. Atul Patel zakuo badge a en a, "Vawizan chu i sunglehan an tam kher el" a tipek.

Tamtak a la uma chu hmunin a keng ta naw lein ni dang leh sunzawm tum lem ding ni rawse. A renga Prince Philip chanchin Ashley Roberts ziek hi a bua hmu thei a nih a. Aman chu Pound £8.95 a nih.

Ashley Graham-in A Nun Iengkim A Phawrlang

LOS ANGELES: Sports Illustrated Swimsuit model, kum 29 a "plus-size" nia chu lungril positive tak le a taksa anga a khawngat lientak, nau pahn ne hnunga khawma model la ni thei zing midum pasala nei leia sunglehai laka harsatna tuok Ashley Graham chun, a chanchin a ziekna lekhuah thar "A New Model: What Confidence, Beauty, and Power Really Look Like" tia chun a nun thuruk tamtak a phawrlang.

Ashley chun, an insung, Kristien sungkuo chun, a pasal Justine Ervin, African-American (midum) ina a t huoi ni chun an hmu pei nawin an biekuo nuom nawh a. Inhawi naw a ti taluo a, mi po po chu "color-blind"



ni hai sien a nuom hle niin a hril a. A pasal dinga a thlang laka a pi umdan chu 'mak' a ti h hle a, a thawng hle niin a hril.

"Justine chu Nebraska kan inah ka thuo i a. Justine chu midum a nih ti ka hril ri nawh a. Kei khawm midum hai lai ka khawsa bek bek naw lein ka hmu tlawm a. Sikula midumhai chanchin kan chuk ka hriet sun chu Martin Luther King Jr, Rosa Park le Underground Railroad ti bak a nih nawh" tiin, ama nek in a sung han an la hriet naw nawk zuol a nih.

"Ka nu lem chun kum 18 a ni hma chen kham midum pakhat khawm a la hmu ngai nawh. Ka pi kawlah khawm midum ka hung thuo i ding ti hrilna chang ka lo hriet nawh a. Justine kuoma khawm kan sunkuoin midum kan la hmehriet bek naw thu ka hril naw bawkr lein harsatna a zuol met a nih. Ka pi

kha mak a ti hlea chu, a to tawkr tawka chu a dei (cold) hle a. Chibai a buka a mi fesang ngah a nih" tiin a hril.

"Khang lawm lawma mi tha le sin taima, ka pi khang lawm lawma hlimnaw kha ka la hmu ngai nawh. Kan fe ding tawm khawmin, Justine ka hnungah a ngir a. Kei a mi en a, "Kha mipa kha mangtha ti rawh" tiin a min thla a. Ka pi umdan kha a mi barakhai hle" tiin a hril. Justine dawtheina chun thil tamtak an chuktir niin a hril a. "Justine a inthawkin ka pi ang hai chun midumhai chu TV haia an hmu, misuol le suomhmang, silai le tharum hmanga mihai suolluutu, suol em em hai ang chauvin an hmuh ti a min hrietir bawkr" tiin a hril a. Khawngah chu Justine dawtheina le thamna lein anin khawmin an hung hman-gai let ve thei tah niin a hril bawkr.

A pi kum 60 thung lawma khawm telephone hmangin lawmpuina thu a hril a. A pi chun a lawm em em a. Dami tin an hung inhrietthiem tah niin a hril bawkr. Ashley le Justine (videographer) hi 2009 khan an inhma a, 2010 kha dan angin an innei a nih.

Elle Canada (magazine) a hril dan chun, Justine leh an innei hma chun sex an hmang naw niin a hril. "Invet in mi ti el thei, anachu, kan pa leh la ngahk dingin kan intiem a. Kan ngahk a, kan innei hnungin nupa nun kan hmang chauh a, an hawi dan khawm a dang a nih" tiin a hril a. "Innei hmaa sex hmang lo ding ka ti tlat let kha thilthawtheina neiin kan hriet.

"Ka lungri la chheng naw ding a hriet lei kha a mi nawrui ngam nawh a, a min za sawt bawkr a nih. Innei hma chu la ngahk hri dingin ka ngan a. An ngahk a. Chu chu midanghai ta ding ni lovin, keini ta dinga thil tha a lo nih. Ka ta dingin a tha bik a. Vawisun ni chena ka uongna a la nih. Nangni khawm ensin ro" tiin a hril.

Ashley le Justine hin nau pahn ne nei tah a. Videographer a ni angin Ashley modelling program tamlem video chu mi dang ruoi ngai lovin ama (Justine) in a thaw thei bawkr lein an fakzawngna chenin an hlakpui niin a hril bawkr.

Lionel Messi ban hlip tah

March thlaa Chile le an inkhel tuma assistant referee tawngkam mawilo taka a bieki leia FIFA in Bercelona star Lionel Messi an ban na chu Argentina Football Association in FIFA kuoma ngenna an siem angin ban a nina an hlip ta thu zanikhan FIFA chun a puong.

Hi lei hin Lionel Messi chu World Cup qualifiers ah Argentina ram aiawan a khel nawk thei ta ding a nih.

Messi hi fifa in international match 4-a khel thei lo dinga a lo ban a nih. Messi hin ban a ni sungin match pakhat Bolivia le inkhel a missed hman a nih.

FIFA chun, Messi umdan chu thil



mawi a ninaw lai zingin ban zing dingin evidence a tha tawkr naw a nih tiin a hril.

Ban hlip a nita lei hin Uruguay, Venezuela le Peru hai le inkhel huna a thang thei ta ding a nih. Ban hlip a ni le inruol hin 10,000 Swiss francs (£7,800) fine dinga ti khawm phlip ngah a nih.

Penalty shootout pet dan thar

Europe a football thuneitu insang UEFA chun Penalty shootout pet dan kalhmang thlak danglam dingin riruongna an siem. Hi riruongna hi European Under-17 Championship, Croatia khawpuia inkhel mekha hin hman sin dinga ti a nih.

Penalty shootout pet dan hmang mek-ah hin chun coin toss-a a hrat lemin ball pet annawle goal veng hmasa ding an thlang hlak a, team pakhatin pet hmasa lemin team dangin pet nawkin, player panga-in indawt peia an pet hnungin a hrat lem an um naw chun sudden death-in pet zawm a ni hlak.

Dan hmang lai hi sawiswela ne a lai tawknaw a ngai ani lein suizuina nei a ni a, suizuina a inthawkr chun penalty pet hmasa team hai chun 60% zetin hratna an chang hlak hmu-suok a ni lein ngirhmun tha



lema uma ngai an nih.

UEFA chun, "Penalty pet hmasa tak palyerin goal a thun ngah a ni chun a dawta pettu ta dingin boruok a rik nuom hle a, a thun ve naw a ni lem chun team hrat nawna a ni thei lein harsatna an thlung hlak a nih," tiin a hril. Hi dan thar hi women's European Under-17 Championship nei mekha khawm hin hmang zinga an tah.

Riruongna thara chun team pakhatin (A) pet hmasa an ta, chu zoa team pakhat lemin (B) wawihni pet zawm an ti h. Chu zova pet hmasa lem team hai hin wavi hni pet nawkin, chuong anga fe peini, a pet hmasa tak ti loin team pakhat a inthawkr player pahn peini an pet zawm ding tina a nih (ABBA). Hi format hi Tennis inelnaa tie-break an inkhel dan le a fe dan an ang tlangpui ding tina ning a ti h.

Katy Perry, Single Thar "Bon Appetite" Saklar



NEW YORK: Hlasakthiem inlar Katy Perry chun YouTube Brandcast event ah a single thar "Bon Appetite" ti hla thiem tak le ropui takin dancer hai leh a perform a. Corporate (company) thil deu a ni lein sexy taka inchei hlak chu maksak deuv in chei a, hril a hlaw hle. Katy Perry chun dan naran mi tin hmang TV hai nek in YouTube haia advertisement thaw hlak dingin company hai a ngan a, mipui entu 2, 800 hai hmaa hnaw suok a nih.

"Company khawm sexy deu thei a nih" tiin an chei dan le a hlasak le lamah an entir a. A ropui cham cham hle. A tha a la fan bawkr a, an cheidan danglam sexy tak, zakuhnuoi (bikini) sendal (pink leather) bodysuit blazer hakin, chuong ang puon ang bawkr thui kekawr ni si lo khup lai po tuom suspender le jacket leh a hak a.

A awmbawr nene bal le malpui lai po an lang thei vawng a. Adult film thenkhata adult video haia

nuhmei hain an hak leather sexy tak tak hai angin, a taksa a keimar tha bawkr lein a suk sexy hle a. A sam a tan tawia chu a hner sen hlar hlar le a malpui vhai chun nuhmei a nih ti malpui ruol an nawh.

"Hringna pakhat chau i nei a, chulein i thil thaw nuomtak i thaw ding a na, i thil thaw i hmangai bawkr ding a nih. Hi hi corporate event a nia chu ei la sexy thei tho a nih" tiin a khak a, mipui an lawm hle. Amiruokchu, a hlasak pakhat chu "lip sync" (hla an hung play anga hmur lo sukchanga mani sak anga thaw - playback ei ti ang) a thaw a. A hla thu a hriet chieng naw lei am a thaw suol vawng a nih. Hlim taluo khawm hin chang suol a awl hlak.

Katy Perry hin a single thar thuah live in a fans hai le inbiekna hun a la huoi-hawt tum a nih. H huna hin company han advertisement an thawna le inzawmin hla iemani zat sak bawkr a ti h. Hi bakha hin "behind the scene" thil iemani zat thaw bawkr a ti h.

AFC le AIFF kar buoina thu a bawzui ding thu Goel in a hril

KOLKATA: All India Football Federation (AIFF) in I-League Champion Aizawl FC in second division-a relegates a tumna le inzawma Aizawl FC players han thi chen huoma bungheia nuorma nei an tumna thuah Sports Minister Vijay Goel chun AIFF an biekpui ding thu a hril. Amiruokchu, hi thua hin AFC a inthawkr official taka lekha a la hmunaw thu a hril.

I-League champion an ni zing laia second division-a relegat tumna hi Aizawl FC chun an ngaihiem-naw hle a, season nawka an I-League title lak defend dinga huntha (chance) pek an ninaw chun PM Narendra Modi le Asian Football Confederation president Salman Bin Ibrahim Al-Khalifa hai inpun an tum thu an hril a nih. AIFF le ISL merger ding leia hien-gang thil hi hung um a nih.

Boxing federation in nuhmei 3 an nominate

New Delhi: Boxing Federation of India (BFI) chun World Championship silver medalists-Sawetty Bora (18kg), Sonia Lather (57 kg) le Sarjubala Devi (51 kg) hai chu tu kuma Arjuna Awards dawn dingin an nominate.

Sawetty hin kum 2014 khan world championship-ah Silver medal a lak a, hi kum vek hin Sarjubala chun Silver Medal a lak bakah kum 2016 khan Sonia hin Silver medal a lak a nih.

14th Hmar Martyrs' Trophy Fixture
06-05-2017 | SATURDAY
1:00 p.m | HYA, Imphal vs Thenmuol FC
2:30 p.m | FC Ridil vs Zeal SC
5 May 2017 results:
1:00PM- LSC 2 - 2 ABC Saidan (6-7 Penalty)
2:30PM- Neihsiel Veng YC 1-1 Teksiepu FC (3-4 Penalty)